

Ո Ր Ո Շ ՈՒ Մ

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

06.07.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Տարոն Հունանյանի դիմումի շուրջ ստեղծված նյութերը՝

Պ Ա Ր Զ Ե Ց Ի

2018թ. հունիսի 6-ին Երևան քաղաքի Դավիթաշեն 4 քաղամասի 1ա շենքի 18ա բնակարանի բնակիչ Տ.Հունանյանը դիմում է հասցեագրել այն մասին, որ ստացել է վարչական տույժ նշանակելու մասին ԱԴ թիվ 617111 որոշումը, որի հետ համաձայն չէ, քանի որ 2018թ. մայիսի 14-ին ժամը 22.00-ի սահմաններում նկատել է, որ մեքենայի հետևի հաշվառման համարանիշը կորել է, որից հետո մոտեցել է ճանապարհային ոստիկանության, որտեղ ճանապարհային ոստիկանության սպան ուղղորդել է մոտենալ այն տարածքային ոստիկանության բաժին, որտեղ կորցրել է հաշվառման համարանիշը: Շենգավիթի ոստիկանության բաժնում կատարվածի մասին դիմում ներկայացնելուց հետո, տուն վերադառնալիս, Տ.Հունանյանի վարած «Ֆոլկսվագեն» մակնիշի 21 DD 002 հաշվառման համարանիշի ավտոմոբիլը ճանապարհային ոստիկանության ծառայողների կողմից՝ կանգնեցվել է առանց հետևի հաշվառման համարանիշի վարելու համար և տուգանվել է 200.000 ՀՀ դրամի չափով: Դիմումատուն խնդրել է վերանայել և բեկանել ԱԴ 617111 որոշումը:

Դիմումի ուսումնասիրությամբ պարզվել է, որ 2018թ. մայիսի 15-ին, ժամը 13.40-ին Երևան քաղաքի Հալաբյան փողոցում քաղ.Տ.Հունանյանի կողմից վարած «Ֆոլկսվագեն» մակնիշի 21 DD 002 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 8-րդ սպայական դասակի տեսուչներ, ոստիկանության կապիտան Ա.Հովհաննիսյանի և ոստիկանության լեյտենանտ Ս.Ալեքսանյանի կողմից ճեԱԱ մասին օրենքի խախտման համար այն է՝ վարորդն ավտոմոբիլը վարել է առանց հաշվառման համարանիշի: Ա.Հովհաննիսյանի կողմից Տ.Հունանյանի նկատմամբ կազմվել է վարչական իրավախախտման վերաբերյալ արձանագրություն, որի հիման վրա համաձայն ՀՀ ՎԻՎ օր-ի 123.5-րդ հոդվածի 4-րդ մասի, կայացվել է վարչական տույժ նշանակելու մասին ԱԴ 617111 որոշումը՝ Տ.Հունանյանին 200.000 դրամ տուգանելու մասին:

Ըստ ծառայողների կողմից տրված գրավոր բացատրությունների, նշված իրավախախտումը հայտնաբերելուց հետո, սահմանված կարգով կանգնեցրել են Տ.Հունանյանի կողմից վարած «Ֆոլկսվագեն» մակնիշի 21 DD 002 հաշվառման համարանիշի ավտոմոբիլը, Ա.Հովհաննիսյանը մոտեցել է վարորդին, ներկայացել,

17-2-3037

պարզաբանել իրավախախտման բնույթը, պահանջել փաստաթղթերը, և վարորդի նկատմամբ կազմվել է վարչական իրավախախտման վերաբերյալ արձանագրություն, որին վերջինս ծանոթացել է, առանց որևէ առարկություն և դիտողություն նշելու ստորագրել է այն: Ծառայողների կողմից բացատրությանը կից ներկայացվել է իրավախախտման տեսագրություն:

2018թ. հունիսի 14-ին ծանուցագիր է ուղարկվել քաղ.Տ.Յունանյանի. իր դիմումի քննարկմանը մասնակցելու նպատակով 2018թ. հունիսի 29-ին ճանապարհային ոստիկանության ԾՊԾ բաժին ներկայանալու համար, սակայն վերջինս չի ներկայացել:

Այսպիսով կատարված ուսումնասիրություններով պարզվել է, որ Տ.Յունանյանի արարքում առկա է Վարչական իրավախախտումների վերաբերյալ ՀՀ օրենսգրքի 123.5 հոդվածի 4-րդ մասով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով`

Ո Ր Ո Շ Ե Ց Ի

1.Տարոն Յունանյանի դիմումը թողնել առանց բավարարման, իսկ ճանապարհային ոստիկանության ԾՊԾ 1-ին սպայական գումարտակի 8-րդ սպայական դասակի տեսուչ, ոստիկանության կապիտան Ա.Յովհաննիսյանի կողմից կազմված վարչական իրավախախտման արձանագրության հիման վրա կայացված ԱԴ 617111 որոշումը՝ Տարոն Յունանյանին երկու հարյուր հազար դրամ տուգանելու մասին` անփոփոխ:

2.Սույն որոշման օրինակներն ուղարկել ճանապարհային ոստիկանության վարչական գործունեության բաժանմունք և դիմումատուին:

3.Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե. Կարապետյան